

M-37/2009 Álit 19. maí 2009

Álit kærunefndar lausafjár- og þjónustukaupa

Hinn 19. maí gaf kærunefnd lausafjár- og þjónustukaupa svohljóðandi álit í málínu nr. M-37/2009:

I

Kröfugerð, málavextir og niðurstaða

Í dag bað X, kærunefnd lausafjár- og þjónustukaupa um álit vegna galla sem hann segir vera á útihurð í húsi sínu að.....

Í gögnum málsins kemur fram að álitsbeiðandi keypti húsið af fyrirtækinu Z. og fékk það afshent í júní 2008 tilbúið til innréttингar. Útihurð hússins segir hann undna að neðanverðu og erfitt sé að læsa henni en seljandi hafi ekki viljað laga hurðina.

Það er ljóst að ágreiningur aðila á rót sína að rekja til kaupa álitsbeiðanda á húsinu að og var því um að ræða kaup á fasteign í heild sinni. Um fasteignakaup gilda lög nr. 40/2002.

Kærunefnd lausafjár- og þjónustukaupa starfar samkvæmt lögum nr. 87/2006 um breytingu á lögum um lausafjárkaup, lögum um þjónustukaup og lögum um neytendakaup. Greini aðila að kaupum samkvæmt lögum nr. 50/2000 um lausafjárkaup, lögum nr. 42/2000 um þjónustukaup eða lögum nr. 48/2003 um neytendakaup um réttindi sín og skyldur geta þeir snúið sér til kærunefndar lausafjár- og þjónustukaupa og óskað eftir álitsgerð nefndarinnar um ágreiningsefnið. Valdsvið kærunefndarinnar nær því ekki til að gefa álit á ágreiningi sem fellur undir lög nr. 40/2002 um fasteignakaup.

Niðurstaða kærunefndarinnar er því sú að samkvæmt framansögðu og 1. mgr. 7. gr. reglugerðar nr. 766/2006 um kærunefnd lausafjár- og þjónustukaupa beri að vísa beiðni X frá nefndinni.

Friðgeir Björnsson
formaður

Guðrún Björk Bjarnadóttir

Hildigunnur Hafsteinsdóttir